



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus II. De obligatione juramenti.

---

[urn:nbn:de:hbz:466:1-73001](#)

c. Ego. 4. h. t. quod 7. capitula continet; nimirum, primo jurare debet Episcopus, quod fidelis erit S. Petro, & Romano Pontifici, ejusque Successoribus canonice electis; Secundò, quod neque consilio, nequefacto juvabit, ut occidatur Papa, vel membrò mutiletur, vel capiatur; tertio, quod consilium Papæ, ipsi quovis modo manifestum, ad damnum Papæ nulli revelabit. Quarto, quod Papatum Ecclesiæ Romanæ, & Regulas SS. PP. (id est Canones SS. Patrum per Sedem Apostolicam approbatos (Hostiens. hic V. regulas) defendere revelit contra omnes homines, & retinere, salvo Ordine suo (id est, quatenus spectatā ordinis sui dignitatē, ac statu, honeste, ac decenter potest.) Quintò, quod vocatus ad Synodus [Provincialem, quam indicit Archiepiscopus, vel ad Concilium generale, quod indicit Papa [Hostiens. hic V. Synodus] venire velit, nisi canonicum impedimentum obstriterit. Sextò, quod Legatum Sedis Apostolicæ, si certum esse cognoverit (ex literis suæ legationis) honorifice tractare, & in necessitatibus ejus adjuvare velit. Septimò denique, quod Limina Apostolorum, singulis annis, per se, vel per certum nuntium, visitare velit, nisi hujus obligationis remissionem à Papa impetrârit.

Sed adverte t. hoc juramentum fieri Papæ, in quantum est in eo suprema jurisdictione Ecclesiastica; non autem, in quantum consideratur ut dominus bonorum temporalium; nam hoc juramentum præstatur à jurantibus, in quantum Ecclesiasticis; forma verò juramenti fidelitatis, quod Vasallus præstat Domino feudi, habetur in 22. q. 5. c. de forma. 18. Advert. 2. juramentum de visitandis liminibus Apostolorum, intelligi solum de Episcopis Romæ vicinis; non remotis, c. Fuxta, dist. 93. junct. gloss. V. de longinquo.

Not. 2. juramentum fidelitatis, & obedientiae, per Episcopum, non esse exigendum à suis Clericis, nisi quibus commissa est dispensatio, & administratio rerum Ecclesiasticarum; c. Nul-

Tom. II.

lus. 5. b. t. c. Legebatur 3. de majorit. & obed. nisi forte simplex Clericus suspensus esset de rebellione; vel inobedientia per dict. c. 3. junct. gloss. V. Injuria: forma verò juramenti, quod in sua coronatione Imperator præstat Ecclesiæ Romanæ, ac Summo Pontifici, referatur in Clement. unicab. t.

Not. 3. juramentum in item, à qui busdam triplex assignari; primum dicitur veritatis, seu veræ estimationis, quod defertur ad cognoscendam quantitatem, seu valorem rei per alterius vim, vel dolum amissæ, L. in actionibus, 5. §. sed & in his, ff. de in item jurando: alterum dicitur affectionis; si enim res alicujus dolo, vel culpâ alterius amissa, vel destructa sit, quæ ipsi valde chara erat, ob singularem utilitatem, v. g. Codex, in quo notata sua quis conscriperat: tunc permittitur ipsi ejus pretium, secundum privatam affectionem, & utilitatem æstimare, præcedente tamen Judicis taxatione, ne in immensum ob affectionem juretur, L. videamus 4. §. deferre; ff. de in item jurand. tertium est super interesse, & extra rem; si quis enim pecuniam v. g. depositum apud alterum, isque propterea, quod suo tempore non fuerit restituta, per accidens damnum passus est; quia pretium frumenti, vel vini interim crevit, talis potest hoc damnum suum, juramento interposito, æstimare, L. Nimis, 3. ff. de in item jurando.

## ARTICULUS II.

### De obligatione juramenti.

Cum hæc diversa sint, jurare illicite, ac jurare illicitum; frequenterque accidat jurare temere, vel compulsum metu, &c. præsenti loco exponenda venit obligatio juramenti; qua in re certum est, juramentum promissorium de facienda re illicita, quæ scilicet citra peccatum præstari non potest, non obligare; ne scilicet juramentum sit vinculum iniquitatis, ut dicitur c. 18. h. t. quia

Uuu

ta-

tamen de nonnullis juramentis, in certis casibus, vel particularibus materiis, quandoque dubitari solet de ipsorum vi, & obligatione; in particulari seqq.  
¶ agemus.

## §. I.

*An juramentum, contra bonos mores editum, obliget?*

2016. **V**Idetur dicendum, quod non, ex regulas de regulis juris, in 6. ibi: non est obligatorium, contra bonos mores præstitutum juramentum; pro resolut. not. quod aliquid possit esse contra bonos mores, vel civiles, vel naturales; contra bonos mores civiles esse dicitur, quia, licet res promissa, in se non sit peccatum, inde tamen bonis moribus, quos in bene instituta republica servari decet, potest facile præjudicium afferri: contra naturales autem esse dicitur, quando res promissa impleri non potest absque culpa lethali, vel veniali; qua observatione positâ r. quando dicitur, juramentum præstitutum de faciendo, vel omittendo aliquid, quod est contra bonos mores, non esse obligatorium, procedere solum, quando est contra bonos mores naturales; secùs, quando solum est contra bonos mores civiles; ita Sanchez tom. 1. Matr. D. 32. n. 1. & apud eum complures alii; unde bene advertendum, an juramentum sit illicitum solum ex parte jurantis; an ex parte objecti? dicitur autem illicitum ex parte jurantis, quando jura re non licet in talibus circumstantiis, esto juramentum non cadat superfaciendo, vel omittendo, quod fieri, vel omitti non potest sine peccato; sed etiam quando sine peccato fieri potest; ex parte autem objecti, si secùs, nimirum, quando quod promissum est, fieri sine peccato non potest, inseparabili in executione.

2017. Unde in hac materia rectè discurrit Petrus Peckius ad regulas juris canonici,

reg. 58. n. 1. dicens: quemadmodum juramentum, legitime præstitutum, negligi, contemni, aut absque effectu aliquo operandi, esse non debet, sed perjurus & infamia notatur, L. si quis major. C. de transact. & si in contractu se non contraventurum spopondit, & juravit, ipsum Deum (quem veluti Judicem, & testem, peculiarem ultorem habet, L. 3. C. de rebus credit: ita quoque contra, hoc Juramentum, quod in causa propria constituit) perjurii sui adversus bonos mores, id est, contra æquitatem naturalem, honestatemve præstitutum fuit, servari non debet, magna que sapientia est (inquit canon) hominem revocare id, quod semel perperam, & male locutus est, c. magne, 22. q. 4. Unde & ex Isidoro respondit Gratianus, c. in malis, ibid. in malis promissis rescinde fidem; in turpi voto, muta decretum; impia est promissio, quæ scelere adimpletur.

Juramentum igitur de faciendo, vel omittendo aliquid, quod facere, vel omittere est contra bonos mores naturales, ipso jure nullum est per ordinem ad effectum inducendi obligacionem naturalem faciendi, vel omittendi, quod bonis moribus naturalibus, seu conscientiae adversatur; cum implicet obligatio ad peccatum; secùs, si, quod juratum est, à jurante licite fieri potest. Et ideo Sanchez cit. quoties, inquit, ex parte jurantis res est licita, saltem ad redimendam vexationem, quamvis is, cui juramentum præstatur, inique extorserit juramentum, est validum, & obligatorium, ut constat ex c. Debitores. 6. de jurejur. ubi dicitur, obligare juramentum solvendi usuras; quia promittens, absque culpa, ad redimendam vexationem, jurejurando pollicitus est: idem constat ex c. 2. de pact. in 6. & c. Cum contingat, b. r. ubi traditur, omnino servandum esse juramentum, cujus observatio non vergit in dispendium salutis æternæ.

Hinc fit, quod juramentum rei litigatae,

citæ, metu extortum, obliget, ut dicitur c. si verò. 8. de jurejurando. ubi, cùm Alexander III. ab Archiepiscopo Senon: consultus esset, an, si quis quemquam gravissimo metu, sub religione juramenti, suum jus refutare coegerit, ipsumque sibi retinuerit; an alter eorum, vel neuter id habere debeat? respondit: quod non eit tuum, quemlibet contra juramentum suum venire, nisi tale sit, quod servatum vergat in interitum salutis æternæ: nec nos alicui dare materiam volumus veniendi contra juramentum proprium, ne autores perjurii videamur; verum aliquando in Romana Ecclesia, à pluribus prædecessoribus nostris, factum esse recolitur, quod Clerici, qui coacti Ministerium Ecclesiae abjurârunt, & ad coercendam iniquitatem eorum, qui missi sunt in eadem Ecclesia ministrare; ex quo tex-  
tu communiter desumitur, prout ibidem exhibit Rubrica, si juramentum per metum extortum servari potest siue interitu salutis æternæ, servandum esse: Ecclesiam tamen Romanam consueisse à tali juramento absolvere.

2020. Simile quid habetur in c. Verum. 15. eod. ubi Cœlestinus III. ad quæstionem quinto loco à Brundusensi Episcopo propositam, an à Sacramenti vinculo absolvantur, qui istud invit pro vita & rebus servandis fecerunt? respondens ait: nihil aliud arbitramur, quam quod antecessores nostri Romani Pontifices arbirrati fuisse noscuntur, quita-  
les à iuramenti nexibus absolverunt. Cœterum, ut agatur consultius, & auferatur materia pejerandi, non eis ita expressè dicatur, ut juramenta non servent: sed si non ea attenderint, non ob hoc sunt tanquam pro mortali crimine puniendi. Igitur, quando juramentum ex parte jurantis quoad rem promissam est licitum, jurantem obligat, sed non irrevo-  
cabiliter, hoc est, ut exponit Layman in dict. c. si verò. n. 1. quia facile relaxatio-  
nem obtinere potest opponendo injuriā per injustum metum gravem in-  
cussam.

2021. Ut autem hoc amplius declaretur, not. quod ex juramento promissorio promissione homini facta, duplex oria-  
tur obligatio; altera *expressa facta ho-  
mini*; & ex hac parte juramentum tur-  
piter extortum, non obligat; homoe-  
nim nullum jus saltem firmum, per in-  
justitiam acquirit: *altera Deo*, qui in  
testem invocatur, atque ita tenetur ju-  
rans Deo servare, quod per nomen suum promisit, si licitum sit; quod clare significatur c. *Debitores*, de jureiur. ibi:  
si verò de ipsarum solutione iuraverint,  
cogendi sunt reddere Domino iuramen-  
tum; ubi non dixit *usurario*, quia ipse nullum jus acquisierit, sed *domino*. Unde optimè Covarr. de paci. 2. p. §. 3.  
n. 2. vers. *primum ex hoc intellectu*, pro-  
bat, nec secundariò acquiri obligatio-  
nem creditori ex ea promissione jura-  
ta; quod tamen intellige, quando pro-  
missio, & juramentum valet; tunc enim  
*ex illa* nascitur juramentum justitiae;  
*ex ista*, religionis; unde, si hoc non va-  
let, nullà eget absolutione; sicut hoc di-  
citur de excommunicatione invalida  
in c. Solet, defent. excomm. Adver-  
endum tamen, quando dicitur per jura-  
mentum in casu, quo injustè extortum  
est permetum, induci obligationem re-  
ligionis respectu Dei, licet non *institutio*  
respectu hominis, debere intelligi de  
juramento per se stante; non autem  
merè accessorio promissioni; nam si ea  
non valet, vec valebit juramentum sup-  
ponens illam.

2022. Præter hæc not. magnum esse discri-  
men inter hæc duo: *juramentum con-  
firmat contractum*, & *non confirmat*  
contractum, sed observandum est ob  
divini nominis honorem, donec rela-  
xetur; primo enim, quando juramen-  
tum obligat, non tamen *confirmat* contra-  
ctum, dimittitur contractus in sua na-  
tura, & si erat invalidus, adhuc manet  
invalidus: quia juramentum tunc tem-  
poris nullum vinculum addit contra-  
ctui, sed tantum obligat in ordine ad  
Deum, ne testis falsus sit, ut dixi supra;  
& cùm contractus sit in ordine ad homi-  
nem, cui per juramentum hoc nullum  
jus acquiritur, inde est, ut *contractus*

ille nullam vim ex juramento sortiatur; ita Sanchez cit. n. 4.

**2023.** Sed circa hoc advertendum, quando dicitur, quod contractus, quem non confirmat juramentum, nullam vim ex juramento sortiatur, accipendum esse, de vi iustitiae, ubi contractus de se est jure nullus; tales enim contractus, jure nullos, non confirmari juramento, ut nascatur obligatio in vim iustitiae, constat ex dict. lib. I. tit. de pactis: quod etiam procedit, quod nec obliget in vim religionis, ubi juramentum est accessorium contractui jure irrito, seu invalido, ut diximus num. praeced. obligaret tamen in vim religionis, si juramentum esset per se stans, licet contractus esset nullus, modo res promissa foret licita.

§. 2.

*An, & qualiter obliget iuramentum per creaturas?*

**2024.** **A**nte respons. notand. juramentum, quo Deus in se ipso vocatur in testem, sive assertorium, sive promissorum, dese, ac natura sua, non esse illicitum, modo habeat veritatem, judicium, & iustitiam, ut exposuimus in præmissa ratio sumitur ex c. et si Christus 26. b. t. ibi: potest sine culpa iurare, modo non trahat spontanea voluntas ad iurandum, sed importuna necessitas; & habeat tres illos comites, de quibus dictum est. Nullibi enim dicitur, quod juramentum malum sit; quamvis dicatur esse à malo propter crecentem malitiam hominum, & corruptam originali peccato naturam, non volentium credere non juranti, & quandoque loquentium non vera. Juramentum igitur per se malum non est, cum sit confirmatio veritatis; unde, cum videtur prohiberi juramentum, est tantum pro casu, quo caret suis directis comitibus.

**2025.** Not. 2. etiam possejurari *per creaturas*, non quidem sistendo in illis; sed relate ad Creatorem, Deique potentiam, & veritatem; unde nunquam Christus prohibuit juramentum per Creatorem, ut di-

cit Innocentius in dicto c. 26. sed tamum *per creaturam*; cuius rationem reddit: ne per huiusmodi iuramentum transferetur ad creaturam honorificentia Creatoris. Quare, cum in Evangelio premisset: *Dico vobis, nolite iurare omnino;* statim subjunxit: *neque per celum,* quia thronus Dei est: *neque per terram,* quia scabellum pedum ipsius est: *neque per Hierosolymam,* quia civitas est regni magni: *neque per caput tuum,* quia non potes unum capillum facere album, aut nigrum.

Difficultas tamen est ex verbis seqq. Innocentii in eod. c. 26. ibi: *& quamvis non sit per creaturam iurandum; si tamen iuretur per creaturam, servandum est quidem, dummodo sit licitum, quod iuratur:* quia teste veritate, qui jurat in celo, jurat in throno Dei, & in eo, quiescedet super eum. Si enim non licet jura-re per creaturam, quomodo, si tale juramentum nihilominus fiat, obligabit ad præstandum, quod juratur, præsertim, cum etiam D. Jacobus Apostolus veteri jurari per creaturam, ut habetur intextu cit. c. ibi: *neque per celum, neque per terram, &c.* quo vetat juramentum per quamlibet creaturam, quodcunque illud sit. Resp. tamen, quando dicitur, non esse jurandum *per creaturas*, intellegi *sistendo in illis*, ut ostendit ratio Innocentii, ne per tale juramentum honorificentia Dei transferatur ad creaturas; non autem *relate ad creatorem*, ut exposuimus n. 2025. cuius ratio sumitur ex ipso Apostolo, ut notat Innocentius; quia, si nec isto modo licet iurare per creaturas, non dixisset Apostolus: *Homines per maiorem suum iurant:* & omnis controversia eorum ad confirmationem finis est juramentum: in quo parenter ostendit, per quem sit jurandum, cum ait: *homines per maiorem suum iurant, id est, per Deum;* & cur sit jurandum, ut videlicet omnis controversia finis sit juramentum.

Not. 3. quando in Sacris canonibus prohibetur juramentum *per creaturas*, ut habetur 22. q. 1. c. Clericum. 9. & seq. sermonem esse non de quolibet juramento, sed eo, quod usurpabant Ethnici, & gen-

& gentiles, qui jurabant per solem, Jovem, &c. tanquam Deos. Ceterum juramentum etiam judiciale, ubi opus, ac necessarium fuerit, ad sui juris conservacionem, etiam Viris Religiosis licitum esse, constat ex 14. q. 2. c. 1. & c. Insuper. 6. c. Tuis. 39. de Testibus. Nullii enim vetita est confirmatio veritatis, quae (ut tradit Innocentius III. scribens Abbatii, & Capitulo Castellianis) præstatur per juramentum, c. Etsi Christus. 26. §. Quædam verò, b. t. Quoniam autem duplicitur Deus in testem vocari potest, primo expresse, ac in se; secundò implicitè, ac in alio, cum ordine ad Deum, v. g. per Sacra Evangelia, in quibus infallibilis Dei veritas continetur; per Crucem, cum ordine ad Christum in Cruce pro nobis passum; per Sacramenta, quatenus à Christo sunt instituta, & ex ejus meritis viri habent Sanctificandi; Covarr. in c. Quamvis; p. 1. §. 1. n. 5. Silo. V. juramentum, 1. q. 1. ideo formæ jurandi aliæ sunt explicitæ, nimirum per Deum in seipso; aliæ implicitæ, videlicet in alio, sed cum ordine ad Deum; ut juro per animam meam, si non fistatur in hoc, sed relate ad Deum, quasi dicendo, quam verè est à Deo.

2028 Hinc plures ejusmodi formulæ; Auf mein Rydt; bey meiner Seel/ &c. si fiant sine ullo ordine ad Deum, saltem implicite Deum in illis vocando in testem, in rejuramenta non sunt, præsertim, si potius proferantur ea verba ex pravo habitu, & sine deliberatione; quamvis in multis locis, in in ordine ad effectū probationis, accipiuntur instar juramenti, quando deliberatè pronuntiantur. Similis quæstio fieri potest de simplici interpositione fidei, seu attestatione, quam aliquando præstant Clerici v. g. sub fidei Sacerdotalis dignitatis, vulgo: bey mein geistl. Ehren/ Weyhung/ oder Würden; vel Principes, ac personæ illustres sub interpositione suæ illustris dignitatis: bey meinen Adelichen Ehren / trauen / und glauben / an habeant rationem veri juramenti; an tantum effectum ex usu recepto in ordine ad obligacionem?

2029. Has interpositiones fidei non esse ve-

rajuramenta diximus supr. cùm in illo nulla interveniat divini nominis invocatio; nihilominus in foro externo Ecclesiastico, solent accipi & observari tanquam jurata promissio, vel attestatio; sic in c. ad aures. 3. de his, quævi, dicitur, eum, qui terrore laicorum, electioni de se factæ renuntiavit, nihilominus regimini, ad quod electus erat, præfici posse, nisi forte juramento, vel fide interposita confirmata sit; ex qua resolutione notatur, quod promissio sub fide idem operetur, quod juramentum quoad observantiam; Surd. decis. 235. num. 1. eadem enim impoenâ puniatur frangens fidem, qua puniretur frangens juramentum, ut per Perez l. 1. gloss. 1. pag. 186. col. 1. vers. queri solet, tit. 6. l. 8. Ordin. Mendoca in disputationibus suis, lib. 1. c. 6. n. 10. & fides data, per conjunctionem dexteræ, habetur locojuramenti; Surd. decis. 234. n. 6. hinc etiam in c. Pervenit. 2. de Fidejussor. mandat Pontifex, Clericos ab officio, & beneficio suspendi, si religionem fidei, & juramenti sui eos violasse constituerit. Ceterum, ubi de jure iuramentum exigitur, non satistis solâ interpositione fidei, seclusâ in tali casu exemptione.

Quæstio ulterior est, an juramentum 2030 fidelitatis sit verum juramentum? quale præstant Vasalli Domino directo in investitura? & vocatur juramentum Clientelare [vulgo Lehens- Pflicht] vel Officiales, aut Præfides ratione officii, vel administrationis [vulgo die Ambts oder Dienst- Pflicht] præstant Imperatori, Regi, Curiæ; vel subditi ratione subjectionis [vulgo die Lands- Huldigung] in fidelitatem, & obedientiam promittunt; de quibus Layman l. 4. Summa, tr. 9. c. 5. n. 3. Homagium, seu juramentum fidelitatis, quod præstant Vasalli domino feudi, esse verum juramentum, colligitur ex c. Gravem. 15. de excessib. Prælat. ubi perpetuò deponendus dicitur, quicunque contra fidem homagii semel, & secundò præstiti, & debitam reverentiam, Episcopum suum esse dominum negasset: vel in foro seculari deposuisse econtra eum, super rebus spirituâlibus quæstionem:

aut

aut tam invasoribus Episcopi, & sociorum ejus, quām fratri ejus, vel complicibus suis causam, vel consilium præbuisse, de quo textus inquit: *ipsum tanquam membrum putridum ab Ambianensi Ecclesia perpetuo abscondatis*, beneficia sua facientes personis idoneis, per illos, ad quos donatio pertinet, assignari; eadem ratio est de reliquis; cum & domini officiales pro securitate rerum, quas eis committunt; & Principes, cum suscipiant Regimen, à subditis ejusmodi fidelitatis juramenta recipiant contractu. utrinque oneroso; quarè non sufficit sola fidei interpositio; hæc enim non facit, quod vere juretur; sed tantum denotat significari fidem, seu veracitatem hominis honesti; ut colligitur ex c. penult. b. t. ubi habetur, quod Clericus, qui juravit, se statuta in Ecclesia sua edita servaturum, promittens per idem juramentum, statutum, quod postea subsecutum est, fideliter observare: licet transgredi non debuerat, quod promisit, non teneatur ad illius observantiam vi juramenti. Cur hoc? nempe, quia promittere per juramentum prius præstitum, aliud non est, quām promittere se eadem fidelitate observaturum promissionem, qua est observatus rem juratam; ergo promittere, vel afferere aliquid per fidem suam non est iurare.

## §. 3.

*Anjuramenta, jure nulla, indigeant relaxatione?*

A Nte resolut. not. 1. quod iuramentum, adiectum contractui, sequatur naturam eius; nec aliud illi superaddat, quām obligationem ex religione; nec ad plus obliget, quām ipse contractus; nec contineat renuntiationem beneficii à iure concessi. Ratio primi est, quia, ut communis haberet, cadente principali, cadit pariter innixum illi accessorium, ut amplius exponeamus in seqq. ratio secundi, quia nulla virtus obligat alio titulo, quām eo, quo præcipere, vel prohibere potest; charitas enim visuā non inducit obligationem iustitiae; nec econ-

tra:ratio tertii; quia, ut supponitur, contractui non additur super alia re præstanta, vel omittenda, quām super quā contrahitur.

Not. 2. et si in communis usu receptum sit hoc brocardicum, quod accessorium (consequenter etiam iuramentum, contractui accessorium) sequatur naturam *principalis*; in expositione tamen eius non omnes convenire. Quidam enim censem, quod, si principale [contractus v.g.] sit irritum, vel infirmum, etiam accessorium tale sit; alii volunt, quod accessorium solum sequatur naturā *principalis* hoc sensu, ut recipiat easdem conditiones tacitas, quas contractus ex iure, consuetudine, vel intentione Legislatoris; ita Lessius l. 2. de inst. c. 42. dub. 6. d. n. 32. loquens de iuramento contractui accessorio.

Alii distinguunt in accessorio iuramento v.g. *sensum, & obligationem*; quod aliud sit, *quid iuretur?* & hoc pertinet ad *sensum, atque ad materiam accessorii*: aliud, *quomodo, vel in vicuis virtutis accessoriorum iuramentum obliget?* & hoc pertinet ad *obligationem*, seu effectum, & efficaciam accessorii. In primo [nimis quoad sensum, seu materiam] omnino iuramentum sequitur naturam *principalis*; hoc est, non extenditur ad aliam, vel ultra materiam, quām supra quam cadat contractus, vel promissio, cui adiicitur; unde in hoc sensu iuramentum contractui accessoriorum, sequitur naturam *principalis* quoad conditiones eius; ut tradit Suarez apud Haunold. tom. 5. tr. 4. n. 855. Ex hoc fit, quod iuramentum sponsali bus de futuro appositum non obliget in casu, quo unus sponsorum labitur v. g. cum alio in virtutē carnis, vel alias notabiliter mutatur quoad statum, bona corporis, & fortunæ; nam istum sensu habet contractus sponsalium, consequenter & iuramentum illis accessoriorum nisi iurans excludat positivè conditionē in iuramento, quæ tacite inest contractui.

Difficultas est de *obligatione*, quæ pendet ex valore, nullitate, vel infirmitate actus, seu contractus, cui iuramentū adiicitur; & in hoc sensu dicunt, quod iuramentum accessorium contractui v. g. non

non sequatur illum, ut si ipse irritus, aut infirmus est, tale etiam sit juramentum; unde Haunoldus *cit. n. 856.* censet juramentum *quoad valorem* non esse alligatum obligationi principalis, seu contractus; consequenter esto contractus jure nullus sit, nec obligationem parat; non propterea etiam juramentum jure nullum esse, nec obligationem parere. Rationem date ex eo, quia aliquando contractus est revocabilis v. g. per metum iniustum extortus, & tamen, si addatur juramentum, fit irrevocabilis; item multi contra<sup>t</sup>us secluso iuramento essent invalidi, accedente juramento validantur, in mea, inquit, & communiori sententia; imo aliquando promissio manet invalida, & tamen obligatio ex juramento subsistit, ut in promissione usurarum. Sed ad hoc responderi posset, datas instantias non esse de iuramento *accessorio*, sed per se stante, ut alii communiter exponunt.

Non est dubium, quando contractus, vel promissio est de re illicita, consequenter nulla, etiam juramentum in idem, sive accessorium, sive per se stans, esse nullum; 2. quando contractus est sub conditione suspensiva, etiam juramentum illi accessorium in idem esse sub conditione suspensiva, consequenter nullam esse obligationem praestandi rem, super qua contractum & juratum est, ante conditionis eventum; ex his autem, & similibus, videtur etiam dicendum iuramentum, contractui accessorium, esse irritum, vel infirmum, quando contractus, cui accedit, irritus est, & infirmus; ratio primi videatur ex eo, quia quod non est, firmatatem ab alio accedente non potest accipere; qualiter confirmatio in forma communi, relinquat aetnam, cui accedit, prout eum invenit; ergo si iuramentum invenit contractum jure nullum, in vi contractus, nequit ei adjicere firmatatem in vi iuramenti; ratio secundi est, quia quando contractus tenet mero jure, sed rescindibiliter, consequenter non firmiter; id, quod ei pure innititur, non additum novum robur, seu firmatatem; ergo si iuramentum sit mero accessorium contractui, qui tenet mero

Tom. II.

jure, sed rescindibiliter, non additum novum robur, seu firmatatem.

2036.

Ant. probatur, quia si iuramentum v. g. quod alicui infirmo pure innititur, illi adderet novum robur, seu firmatatem, esset vinculum religionis *absolutè*, ac *irrescindibiliter*; hoc autem non praestat; quia si sit alteri pure accessorium, seu alteri pure innititur, non potest adiungere vinculum religionis *absolutè*, ac *irrescindibiliter*, nisi cadat vel in novam materiam, & alio sensu; vel sine dependentia a contractu iuretur; at primum non admittit Haunoldus, ut constat ex *n. 2034.* secundum autem est contrasuppositum, quod alteri pure innititur; hoc enim sonat dependentiam ab altero, tanquam fundamento; ergo, ex quo etiam habetur probatio *conseq. prioris*. Ad instantias Haunoldi responderi potest, contractum revocabilem, per juramentum mere accessorium, non evadere irrevocabilem; sed tantum, quando iuramentum est per se stans; hoc est, quando juratur idem, quod contractum, vel promissum est; sed sine ordine ad vim & obligationem contractus, vel promissionis; secus enim est mere accessorium; id, quod maximè pendet ab intentione jurantis.

2037.

Quis enim nesciat, promittentem aliquid, & idem etiam jurantem, posse iuramentum hoc facere, vel animo se ligandi saltem vinculo religionis, esto promissio non valeret in vi promissionis, quando est de re licita; vel solum se ligandi vinculo religionis ex suppositione, quod teneat promissio in vi promissionis; quod casu, si res jurata licita foret, iuramentum primo modo editum foret per se stans, ac absolutum; & iurans maneret obligatus in vi religionis, & iuramenti, esto non foret obligatus in vi iustitiae, & contractus; in secundo autem juramentum foret mere accessorium, & saltem tacite conditionatum; & iurans non maneret obligatus in vi religionis & iuramenti, si non staret obligatio contractus, vel promissionis in vi iustitiae, seu contractus, seu promissionis; unde & illud, quod iuramentum semper servandum sit, quoties servari potest sine dispendio salutis, alii exponunt de iuramento valido, &

Xxx

per

persestante; non autem mere accessorio; quo facit c. Verum s. b. t. de quo infra.

**2038.** Hinc si promissio metu gravi, ac injure incusso directe ad illam extorquendam fieret etiam accedente juramento, primo modo; etiam revocato seu rescisso contractu teneret vinculum religiosi, si juramentum primo modo editum foret; non, si secundo. Quod autem cit. n. 2033 dicitur, quod contractus, secluso juramento invalidus, accedente juramento validetur, ut nimurum hoc casu obligaretiam in vim contractus, & iustitiae, negavimus l. 1. tit. 35. & l. 3. tit. 13. his præmissis:

**2039.** Ad questionem in titulo propositam ex. juramenta, ipso jure nulla, non indigere relaxatione, ablativâ vinculi, seu obligationis ex vi juramenti; quia non entis non est effectus; quia tamen plura hoc titulo juramenta sunt, de quibus agitur, an relaxatione egeant, si non ablativâ vinculi, saltem declaratiya nullitatis in dubio, deiis breviter dicemus; & primò, ubi juramentum est de re illicita, & contra bonos mores naturales, ipsum esse nullum, ac exinde nullam nasci obligationem, constat ex n. 2016.

**2040.** Primum autem juramentum, de quo, num indigeat relaxatione? dubitatum fuit, habetur in c. Ex administrationis. 1. b. t. ubi quæsumus erat, an juramentum, quo Creditores obstringunt suos Debtores ad solvendas usuras, egeat relaxatione? & Gregorius III. mandavit, ut Creditores ad juramenta super usuris solvendis, à Debitoribus præstata, istis relaxanda severitate Ecclesiastica compellantur. Pro intelligentia hujus, & c. Debtores. 6. b. t. not. 1. in isto c. 6. haberis rescriptum Alexandri III. ad Episcopum Vigoriensem, ubi, Debtores, inquit, ad solvendas usuras, in quibus se obligaverant, cogi non debent: Si vero de ipsarum solutione juraverint, cogendi sunt, Domino reddere juramentum; & cum usuræ solutæ fuerint, creditores ad eas restituendas sunt Ecclesiastica severitate (si necesse fuerit) compellendi. Ex hoc enim textu videntur debtores obligari ad solvendas usuras, si earum solutionem jurârunt; licet Creditores eas recipere nō possint sine peccato.

Not. 2. si quis etiam jurato promisit, se solviturum usuras, debitorem ex iustitia non obligari ad eas solvendas; cum contractus usurarius jure divino, & naturali, nullus sit; teneri tamē ad momentaneam earū solutionem ex vij uramenti, ut dicitur in c. Debitores, ibi: cogendi sunt Domiuo reddere juramentum, ubi advertebly Domino, nimirū Deo, comparatione cuius contraxerunt obligationem, verificandi promissum ipfis ex parte sua non illicitum; quo infertur, per illud juramentum obligationem acquiri Deo, non Usurario, ut recte notat Covarr. in c. quamvis pæctum. p. 2. §. 3. n. 2. vers. pri. mū ex hoc intellectu, Suar. tom. 2. de Rel. tr. de juram. l. 2. c. 27. in fine. Molin. de just. tr. 2. D. 50. col. 2. & 3. & D. 51. col. 4. & 5. utrum ante, Leff. eod. tract. l. 2. c. 17. d. 6. n. 51. Sanchez in præcepta Decal. c. 11. l. 3. n. 7. cum seqq. Hinc

Not. 3. aliquos assere, ex juramento solvendi usuras, duplaci nasci obligationem, unam expressam factam homini; verum ex hac parte juramentum, turpiter extortum, non obligat; homo enim nullum jus per iniustitiam acquirit, saltem firmum: alteram Deo, qui in testem invocatur, atque ita tenetur jurans Deo servare, quod per nomen suum promisit, si licitum sit; ita Sanchez de matrimonio, l. 1. D. 32. n. 1. in fine; quod tamen videtur intelligendum de juramento *per se stante*; non autem mere accessorio, ut notavimus à n. 2034.

Ex hoc not. 4. Debitorem usurarum, ex promissione etiam jurata solvendi usuras, nullam obligationem habere respectu Usurarii; non iustitiae; nam talis promissio ipso jure nulla est; non juramenti; nam istam, relate ad usurarium, non contraxit, ut diximus præced. numero, licet juramentum esset per se stans; & ratio est, quia Usurarius ex iustitia tenetur eas non accipere, cum sine justa causa pecuniam sibi alias indebitam acciperet, contra c. si res aliena. 14. q. 6. ergo Debitor ipsi obligari non potest; unde, si dicas: ergo si debitor non solveret usuras, juramento promissas, non esset perjurus. ex. cum dist. ergo non esset perjurus violando aliquam obligationem ex juramento contracta, quâ temeatur usurario; C. quia teneatur, Deo N. illatū.

2044. Si instes: ergo nec tenebitur ex aliqua obligatione, qua vi dati juramenti, teneatur Deo, ut homini promissario solvat usuras. Rz. N. illatum; pro quo not. 5. non esse illicitum, facere actum dese non malum, seu licitum, etiam si alter eo sitabusurus ad peccatum, si poterat liberè non uti tali actu, quando aetus sit ex justa causa, v. g. ad redimendam vexam, & molestias cæteroquin subeundas in jactura famæ, honoris, datæ fidei, &c. alias nec Deus licite liberæ hominum voluntati offerret usum suæ omnipotentiae, ad exercitium creatæ libertatis, si homo esset abusurus ad peccatum.

2045. Not. 6. offerre solutionem usuræ, juro promissæ, ad redimendam vexam, quam cæteroquin ab Usurariis communiter patiuntur Mutuatarii debitores, de se præcise, non esse malum, vel illicitum; constat 1. quia alias Ecclesia præcipiens, servari tale juramentum, præciperet illicitum; 2. quia usurarius potest liberè non acceptare talém solutionem, imò, ut dictum est, tenetur non acceptare, consequenter potest ea, quantum est ex parte debitoris, esse sine peccato Creditoris; adeoque nec eo titulo, quod Creditori cooperetur ad peccatum, esse illicita, & mala; ergo bene potest obligari Deo ad eam solutionem faciendam; quia ex parte solventis non continet turpitudinem; sed tantum ex parte libere recipientis, qui potest non committere turpitudinem, remittendo solutionem, prout debet.

2046. Dices: ex hoc sequitur contra c. i. b.t. non esse opus illa relaxatione juramenti; Resp. solum sequi, quod non sit opus relaxatione juramenti quoad obligationem exinde natam Usurario; secus, quoad obligationem exinde natam Deo, ut diximus num. 2043. unde, quando in c. i. dicitur, Creditores Usurarios esse cogendos ad relaxandæ juramenta super usuris solvendis præstata, solum intenditur, esse cogendos, ne solutionem exigant etiam factio (jure enim non possunt) sed se declarent, se nolle tales solutionem indebitam, quam ipsi sine peccato recipere non possunt; sic enim in-

directè tollitur obligatio ex juramento nata Deo; qualiter diximus à sponsis indirectè posse tolli juramentum sponsalibus de futuro appositum, solutis nimis consensu mutuo sponsalibus.

Cum autem à debitore solutionem factam recipit Usurarius, licitum erit debitori solutum repetere condicione fine causa, sic Lara in L. *siquis à Liberis, §. parens, ff. de Libert. agnosc.* & constat ex textu in c. *Debitores, de quo n. 2040.* recipiendo enim usuras Usurarius, jure Divino, & humano indebitas, committit injustitiam, & retinet injuste alienum, nullo nimis justo titulo ejus dominio in eum translato; cum ipsi nec ex contracitu, nec etiam ex juramento, natâ sit obligatio, aut titulus validus jure idoneus ad ejusmodi translationem.

Advertendum præterea, quod, si Creditor in tali casu juramentum remittere nolit, Judex eum cogere possit ad relaxandum, vel eo reniente, ipsemet illius Magistratus relaxationem facere; quia in hoc casu factum Judicis supplet factum partis; Sicuti in simili docent DD. L. *si ob causam, C. de evict.* quare etiam Magistratus secularis relaxationem facere potest, si promissio, vel contratus ad forum ejus pertineat, & constet de obligatione recipientis, quod turpiter juramentum receperit, & ille ad ejus remissionem obligetur, ut docet Abbas in c. *pervenit, 2. b.t. n. 3. Sanch. l. 3. Moral. c. 22. n. 16. Molin. tr. 2. d. 149. n. 12.* quibus positis:

### Dubium. I.

*An juramentum metu extortum indigeat relaxatione?*

Quæstio procedit in casu, quo juratum est non dere illicita; de hoc casu agit Gregorius Pontifex, ut habetur c. *pervenit. 2. b.t.* ubi dicit, pervenisse ad se Laudicensem Episcopum, ab Archiepiscopo Comite rebus suis spoliatum, & jurare compulsum, quod non repeteret sic ablata; & ad quæstionem, *an dictus Episcopus, in hoc casu, ex juramento contradicerit obligationem?* respondit: cognita

igitur contumeliâ, valde doluimus: *af-*  
*serentes*, ipsum Episcopum nullius jura-  
*menti* vinculis super hoc posse constringi:  
*quem tamen absolvimus*; quia nefandâ  
*coactione* juravit. Not. autem jurare  
*coactum de non repetendis rebus Ecclesiæ*  
*sue*, quibus spoliatus fuerat, ut notat Vi-  
*vianus* in *Rational. l. 2. juris Pontificii*,  
*pag. 211.* Alagona in *Compend. juris Can.* p.  
*289.* & alii.

Nascitur autem ex hoc textu præsens  
*difficultas*, quod, ut observat Barbosa  
*in dictum c. pervenit, n. 4.* Gregorius  
*Pontifex* non videatur stabilis propterea,  
*quod primo loco neget*, Laudicen-  
*sem Episcopum juramento teneri*, aut  
*obligationem contraxisse ex illo jura-*  
*mento coacto*; deinde autem sentire vi-  
*deatur, eum teneri, & obligationem con-*  
*traxisse, cum ipsum absolverit*; nam ali-  
*às non fuisset necessaria absolutio, juxta*  
*c. ad dissolvendum, de despons. impub. &*  
*L. decem ff. de V. O.* Sed ad hoc dicemus  
*in seqq. Interim:*

2050. Dicendum videtur, *juramentum co-*  
*actum, coactione scilicet solum condi-*  
*tionali, seu per metum gravem, & inju-*  
*stum, directe incussum ad extorquen-*  
*dum juramentum, non esse irritum ju-*  
*re naturali, vel etiam positivo*; sed so-  
*lum irritabile, quories semel validum,*  
*denuò relaxari potest; secùs, si sit oppo-*  
*sum, vel extortum sit vi præcisâ.*  
*Ratio primi constat ex dict. l. 4. decret.*  
*à n. 407.* ubi exposuimus, quid in de-  
*sponsationibus, aliquis contractibus*  
*operetur metus gravis, & injustus; ratio*  
*secundi, de coactione, seu vi præcisâ, &*  
*absolutâ, constat ex ibid. dict. à n. 389.*  
*consequenter in hoc textu Pontificem*  
*non negâsse juramenti valorem, & in-*  
*ductam obligationem, ex causa coa-*  
*ctionis.*

2051. Dicendum 2. in isto textu *juramen-*  
*tum, in quantum erat in præjudicium*  
*Ecclesiæ* Laudicensis, eo titulo fuisse  
*nullum*, consequenter non obligatori-  
*um*; quia sic erat de re illicita, nempe  
*de non revocandis rebus suæ Ecclesiæ,*  
*ad quod tamen juramento tenetur Epi-*  
*scopus*, quories in earum alienatio-  
*nem illicite consentit; quia tamen*

Ecclesiam spoliari rebus suis considera-  
*ri* potest dupliciter, nimur. 1. in  
*quantum ea rerum spoliatio præjudicat*  
*ipsi Ecclesiæ*; 2. in quantum respicit  
*commoditatem, & utilitatem ipsius*  
*Prælati*, jure permittente transferibi-  
*le* in alium; ideo censem aliqui, di-  
*ctum juramentum, in quantum inclu-*  
*dit præjudicium Ecclesiæ, non valere;*  
*quia sic esset de re illicita; in quantum*  
*autem præjudicat soli Prælati* valere;  
*quia, quod attinet ad solius ipsius præ-*  
*judicium, absque ullo salutis æternæ di-*  
*spendio licet servari potest; ergo meri-*  
*to hic textus ad finem adjecit verba illa,*  
*quem tamen absolvimus, quia nefandissi-*  
*mâ coactione juravit*, ut ita sit sensus,  
*quod, licet eo casu juramentum servari*  
*debuisset in solius Prælati præjudicium,*  
*quia tamen nefandissimâ coactione in-*  
*tervenit ex parte Comitis, justè eun-*  
*dem Episcopum duximus absolven-*  
*dum, juxta reg. c. Si verò, b.t.*

2052. Erin hoc sensu censem accipiendum  
*hunc textum, uti & alterum in c. cum ve-*  
*nissent. 6. de institut. ut juramentum va-*  
*leat in solius Archidiaconi præjudicium;*  
*consonant verba præcedentia, ibi:*  
*non solum de illo, sed de omnibus redditibus*  
*suis*, &c. quasi *juramentum subsecutum*  
*solum ad propriam commoditatem re-*  
*spexerit; & ita intelligunt glossa, ibi, V.*  
*abjurasse, & Abbas à n. 14. idem Abb. n. 4.*  
*& Felin. 5. in presenti.* Hæc quidem re-  
*ctè dici videntur, sed pro eo solum casu,*  
*quo præjudicium Prælati consistere pot-*  
*est, salvo jure, ac indemnitate Ecclesiæ;*  
*si enim præjudicium Prælati separari*  
*non posset à præjudicio Ecclesiæ, jura-*  
*mentum simpliciter irritum esset; sic e-*  
*nim ex inseparabili præjudicio Ecclesiæ*  
*servari non posset sine peccato.*

Nec in isto casu (quo *juramentum pe-*  
*nitus irritum fuisset, etiam quoad præ-*  
*judicium Prælati inseparabile à præju-*  
*dicio Ecclesiæ) fuisset propterea qua-*  
*dam contrarietas in dictis Gregorii (de*  
*qua dictum est n. 2049.)* 1. quia plures  
*censem, *absolutionem* illam solum fuisse*  
*ad cautelam, qualiter id sæpius contingit*  
*in *absolutionibus à Censuris*; 2. quia*  
*dici potest, eo casu *absolutionem* non*  
*fuisse*

fuisse liberativam à vinculo, cùm nullum contractum esse dicat ipse textus; sed tantum declarativam non contractæ obligationis; qualiter sæpe continet etiam in judiciis forensibus, ubi Reus, conventus ab Auctore super solutione debiti, *absolvitur*, non liberatione vinculi contracti; sed declaratione non contracti.

2053. Dubitari autem potest, à quo peti debet relaxatio juramenti in casu proposito, quod est in præjudicium Prælati, separabile tamen à præjudicio Ecclesiæ? Resp. posse illud relaxari à Summo Pontifice. 1. si Episcopus, jurare coactus, apud Pontificem agat de injuria sibi illata per injustam coactionem, à dicto Archiepiscopo illatam, imponendo illi, ut nullatenus Episcopum à recuperatione rerum spolio sublatarum impedit, sed eum indemnem omnino reddat, reponendo in statum, quo fuit ante contractum; alias enim non resarcitur ei damnum injustè illatum; 2. si spoliator res spoliatas possideret, agendo contra illum ex interdicto *unde vi*; & si opponeret juramentum de rebus illis non repetendis, cùm certum, ac manifestum foret, juramentum esse injustè coactum, nihilominus per sententiam esse ante omnia restituendam ex petitione sua privilegiata; quia spoliatori ex eo juramento nullum jus acquisitum est, quod non teneatur statim remittere, etiam ante omnem Judicis sententiam, justitiæ naturali hoc exigente propter actionem injustè læsivam iuris alieni.

## Dubium II.

*An indigeat relaxatione juramenti, commutans illud in melius? vel, parte non servante, quod juravit reciprocè?*

2054. Dupliciter iste casus proponitur in c. *pervenit. 3. b. t.* uterque propositus Gregorio VII. Pontifici, à Philippo I. Rege Galliæ. Primus erat, an, si quis rei, quam promisit iuratus, aliam meliorem substituat, propositum, seu promissum juratum infringat? & ad hoc

respondit Pontifex, *quod promissum non infringat, qui in melius illud commutat;* ratio est, quia sicut Creditori melius satisfactum dicimus, si integrum illi debitum persolvatur, *L. planè. 3.* ubi Gothofr. *ff. famili. exercis.* junctis traditis à Morla *in empor. tit. 8. q. 8.* aut si in magis pretiosa moneta illi solutio fiat, juxta ea, quæ resolvit Gregorius Lopez in *L. 3. gloss. 2. tit. 14. p. 5.* sic & Deo satisfactum melius dicimus, quando, quod illi pro anima, & peccatorum redemptione, offerimus, in meliori opere persolvimus.

2055. Huic quæstioni volunt aliqui datam esse occasionem exinde, quod dictus Rex Franciæ cuidam Baroni, interposito Sacramento, castra promiserit sub fidelitatis lege, eaque non servatâ, donaverit eadem castra Ecclesiæ, & ideo Pontifex rescripsit, Regem potuisse in melius iuriandum commutare, donando Ecclesiæ sine iniuria Baronis, qui fidelitatis legem ruperat; sed, hunc casum fuisse propositum, rectius negant alii cum Gonzalez in *dict. c. 3. n. 1.* si enim Baro legem fidelitatis juratae non servavit, non manit ei Rex obligatus, ad relinquenda illi castra; sed poterat cuivis alteri donare; consequenter materia sub obligatione posita, sublatâ obligatione, in aliam etiam meliorem commutari non potuit sub dicta obligatione, jam extinctâ. Rectius ergo dicitur, casum fuisse propositum vel solum generaliter, *an liceat materiam juratam commutare in melius?* vel in alio casu speciali, ubi obligatio iuramenti non erat extinta.

2056. Ex hoc deducitur, quod per iurii reus non sit, qui iuriandum propriâ auctoritate commutat in melius, per Valer. Reginald. *in praxi fori pœnit.* *l. 18. n. 67.* Azor. *instit. moral. part. 1. l. 11. c. 10. q. 1.* ubi hoc intelligit de eo, qui iuriandum mutat in id, quod est certò, & evidenter maius bonum; nam eo ipso est Deo magis acceptum, & gratum. Videtur tamen in hoc distinguendum inter promissionem iuratam *homini* factam; & eam, quæ facta est *Deo*. Nam textus videtur hic potius intelligendus de voto, seu

promissione homini facta; quia, ut notat Sanchez c. 1. matr. D. 46. n. 11. Deus non acceptat, quod fit in præjudicium juris tertii, sine hujus consensu, saltem tacito. Unde quando dicitur L. 2. §. mutui datio, ff. de rebus credit. invito Creditorre aliud pro alio solvi non posse, procedit in temporalibus, non in spiritualibus, & rebus Ecclesiasticis, ubi spectatur summa rei æquitas, contenta cum ea satisfactione, quam Fideles praestare possunt.

2057.

Alter casus fuit, an juramentum violent, vel relaxatione indigeat, qui, quod jurato alteri promisit sub reciproca obligatione juratâ, non implet, promissario repromissionem non servante? Ad hoc eidem Regi respondit Pontifex: nec tuei, etiam si scriptum promissum tuum juramento, vel fidei obligatione, interpositâ conditione firmâsses, aliquatenus teneris, si constet eum conditioni minimè paruisse. Hinc universim, quando juramentum factum est in favorem tertii cum aliqua conditione, nisi illa adimpleatur, jurans ad iuramentum servandum non obligatur, ut per Sayr. in Clavi Regia, l. 5. c. 7. n. 5. Valer. Reginald. ct. l. 18. n. 54. ubi num. 34. vers. Secunda, resolvit, quod in jure jurando intelligatur, si alter, cui juratum est, ac si vicissim iuravit, ex sua parte fidem servaverit; quia conditio adjecta suspendit dispositionem in futurum eventum, gloss. in rub. vers. est autem conditio, ff. de condit. & demonstr.

Si dicas: in voto continentiae ab utroque coniuge emisso etiam cum mutuo utriusque consensu, altero non implente, alter nihilominus tenetur ex voto, ut tradit Sotus l. 7. de just. q. 3. a. 1. dicens esse speciale in hoc voto; videturque desumi ex 33. q. 5. c. Quod Deo. 4. ibi: quod Deo pari consensu ambo voveratis, perseveranter usque in finem reddere ambo debuistis. A quo proposito, si lapsus est ille, tu saltem instantissime persevera. Quod te non exhortarer, nisi tibi ad hoc ipse consenserat. Nam si unquam renuisses ejus assensum, numerus te nullus defendisset annorum. Aliter respondet Barbosa in c. Pervenit. 3. b. t. n. 3. dicens, regulam: (frangenti fidem, impunè non servari si-

dem) solum habere locum respectu unius, & ejusdem dispositionis; non autem respectu diversarum; quia in diversa & separata diriguntur; cum ergo in eo textu non unicum votum continentiae, sed duo fuerint emissa, & unusquisque principaliter teneatur ex suo voto ad continentiae observantiam, merito obligatur, licet alius labatur.

Huic tamen opponi posset, etiam in casu, quo quisjuravit, aliquid sedatum alteri sub certa conditione, sub juramento implenda à promissario, esse duo juramenta, seu promises juntas; & tamen promissario non implente, etiam promittentem à promissione liberari, ex n. 2057. videtur igitur rectius dici, in dato casu fuisse votum cuiuslibet absolutum, & independenter ab eo, quod alter impleat, Deo factum; id vero, quod tradidimus ex dicto c. 3. b. t. procedere solum, quando unum saltem tacite conditionatum est, ac implicat implementum reciprocum in eo, quod vicissim juratum est; præterquam, quod textus allatus ex c. Quod Deo, non habeat vim canonis; cum sit solum S. Augustini Ecclitiam hortantis, ut, quod ipsa, & Vir eius, de mutuo consensu voverant, esto lapsus sutille, saltem ipsa constantissime perseveret.

### Dubium III.

*An juramentum non repetendi pignus ante debitum solutum, egeat relaxatio-*

Publius quibusdam pecuniam mutuo dedit, possessionibus, ac creditibus eorum in pignus receptis, atque insuper juramento obstrinxit debitores, quod super his pignoribus, donec debitum solutum sit, nullum ipsis gravamen inferre velint: Sed Archiepiscopus Creditorem illum idcirco excommunicavit, licet ex pignoribus, nondum sortem integrum, deductis expensis perceperet, atque paratus fuisse, si integrum perciperet, quod veller esse contentus. Hoc intellecto Alexander III. rescripsit, utidem Creditor, receperat prius

prius cautione sufficiente, absolvatur à censura; dein debitores, qui possessio-nes oppignoratas subtraxerunt, per cen-suram compellantur eas restituere, nul-lamque Creditori super iis molestiam inferre, donec pecunia, mutuo accepta, ipsi soluta sit; postquam verò pecuniam, juxta iuramentum suum, solverunt, tunc Creditorem compellant ad restituendū, quidquid ultra sortem ipsum rece-pisse constiterit; quod si admonitus non paruerit, in eandem excommunicatio-nis censuram, à qua absolutus erat, redu-catur; si habetur in c. Ad nostram. 7. b. t. Ex hoc textu deducitur, quod valeat ju-ramentum Debitoris, Creditori factum, se super pignore propter perceptos ex-inde fructus, nullam ei molestiam illa-turum, donec pecunia ex mutuo debita illi, vel sors ex fructibus ultra censem debitum perceptis, sit exsoluta; nam hoc juramentum nullam ex parte iurantis, & rei promissæ continet turpitudinem, & impleri potest absque peccato, con-se-querter tenet, & ob reverentiam divini Numinis servari debet.

1060. Dixi, donec sors ex fructibus, ultra censem debitum perceptis, exsoluta sit; nam si forte iam exsoluta debitor adhuc debe-ret redimere pignus pecuniariā solutio-ne fortis, debitor ex vi mutui recipere aliquid ultra sortem, imò non existente debito fortis, que ponitur extincta; ex quibus primum usurarium est; secundum, iusatum, quia contineret exactio-nem debiti, carentis omni titulo; si di-cas: debitum solvendi pecuniam, mu-tuo acceptam, etiam si sors exsoluta sit ex redundantia fructuum perceptorum ultra censem, ex conventione debitum, fundari in pacto iurato; Resp. fundari quidem in pacto, sed aperte usurario, ut ostensum est. Sed hoc non obstante di-cendum adhuc valere iuramentum, in quantum ex illo debitores obligantur Deo; cum ex parte iurantium debito-rum absque peccato servari possit; qua-liter diximus servandum iuramentum de solvendis Usuris; & sic videtur statui in dicto c. ad nostram, prout colligi vi-deture ex illis verbis: cum autem ei pecu-niam, sicut juraverunt, persolverint: vos

ipsum ad restituendum, quidquid (dedu-citis expensis) ultra sortem recepisse con-stiterit, inducere studeatis: & si commo-nitus non fecerit, in eandem excommuni-cationis sententiam educatis eundem. Ex hoc sequitur, quod, si debitores ante solutam pecuniam, ex mutuo debitam, etiam si Creditor ultra censem debitum ex fructibus tantum perceperet, quo in sortem computato etiam hæc adæqua-retur, vel eam excederet, vellet a Credi-tore pignus recipere, egeret prius rela-xatione iuramenti.

Sed dices. 1. Fructus percepti ex pi-gnore computantur in sorrem, seu de-bitum; &, si sint sufficietes ad totum debitum, solvitur actio, & redditur pi-gnus. Si itaque contra debitorem, seu mu-tuatarium post sortem integre ex fructibus perceptam nulla actio com-petit, sequitur quod nulla eidem insit ob-ligatio, quoniam actio & obligatio cor-relatas sunt, ut colligitur ex L. 1. C. de pi-gnorati. action. R. cum distinctione: fructus percepti ex pignore computan-tur in sorrem, seu debitum; & si sint suffi-cientes ad totum debitum, extinguitur actio, & redditur pignus. si debitor huic juri non renuntiavit, C. secus, N. antece-dens; & sub data distinctione conseq. Debitor autem iuramento se obligando, quod esto per fructus perceptos etiam sors compensata foret, nolit molestare Creditorem repetendo pignus, ante-quam pecuniam ex mutuo acceptam solvat, eo ipso renuntiavit juri suo, cæte-roquin sibi ex tali casu competenti; ergo.

Dices. 2. Compensatio species solutionis est, L. si te. 4. §. solvisse. ff. dere judicata, & L. 76. ff. de V. S. ubi dicitur: dedisse etiam eum, intelligendum esse, qui compensa-vit; si ergo ex mutuo debeam tibi mil-le, tu autem ex fructibus pignoris mei tantundem lucratu es, compensatione factâ solvisse censendus sum, & iura-mento satisfecisse. Resp. totum verum esse, quod dicitur, si debitor non renun-tiavit juri, quod habet, ut compensa-tione solvat; contrarium autem est in præsenti casu, ut ostendimus præced-num. ergo. Et ratio est, quia, qui jura-

2062

vit

vit verè solvere , non poterit unquam compensationem objicere; quia propter dictiōnēm, verè, videtur exclusa compen-satio, quæ ficta solutio est, ut per Tiraq. de retractu lig. §. 3. gloss. 3. n. 6. Donel. comment. juris civilis, ad L. ne credito-res, 10. num. 3. C. de pignorat. act.

## Dubium IV.

*Ad juramentum, metu extortum, non repetendi restitutionem beneficij, cui renuntiare quis coactus est, indiget rela-xione?*

2063. **C**ausa est iste: Titius, Cajum gravi metu incusso compulit ad renuntiandum sibi beneficium cum juramento: cùm autem Archiepiscopus Senonensis dubitaret, utereorum beneficium habere debeat? ut habetur in c. si verò. 8.b. t. respondit Alexander III. quod non est tu-tum quemlibet contra juramentum suum venire, nisi tale sit, quod servatum vergat in interitum salutis aeternæ: nec nos alicui dare materiam volumus veniendi contra juramentum proprium, ne auto-res perjurii videamur; verum, ali- quando in Romana Ecclesia à plu-ribus prædecessoribus nostris factum esse recolitur, quod Clerici, qui coacti Mini-sterium Ecclesia abjurârunt, & ad coërcendam iniquitatem eorum, qui missi sunt, in eadem Ecclesia ministrare.

2064. Ex hoc textu sequitur. 1. ex communi Doctorum sensu, juramentum, rei li-citæ metu extortum obligare, donec relaxetur; sic Covarr. de sponsal. p. 2. c. 1. §. 5. num. 2. Suarez tom. 2. de relig. tract. de juram. l. 2. c. 9. n. 3. & l. 3. c. 16. n. 18. Sanchez de matr. l. 1. D. 32. n. 1. & in præcepta Decalogi, tom. 1. l. 3. c. 11. n. 13. ubi nota, tametsi dicatur in textu, non esse tutum, contra juramentum venire, nisi tale sit, quod servatum vergat in interitum salutis aeternæ, non bene inferri, ergo servandum erit, etiam si res pro-missa sit venialiter mala; nam hoc non vergit in interitum aeternæ salutis; textus enim necessario intelligendus venit de quovis peccato, etiam levi, contra conscientiam; cùm ne quidem

ad venialiter peccandum dari possit obligatio; cùm & hoc sit contrabonos mores naturales; unde quamvis in hoc textu fiat mentio salutis aeternæ, non excludit tamen peccatum veniale; nam licet peccatum veniale perse, & imme-diately non privet salute aeternâ, & ita non vergat directe in illius dispendium; nihilominus tamen, dum durat, impe-dit vitæ aeternæ consecutionem, & aliquo modo reddit hominem indispositum, seu impeditum ad perfectum Dei amorem, & hoc modo potest dici: illud vergere in dispendium salutis aeternæ, ut eleganter explicat Suarez l. 2. c. 15. n. 3. post alios Sayrus, l. 2. c. 13. n. 6. & ante eos D. Thom. p. 3. q. 87. a. 2. ad. 3. & 12. q. 89. a. 1.

Sequitur. 2. quamvis Clericus benefi-cium, ad cuius renuntiationem juratam alterum per gravem, & injustum metum coëgit, non possit sibi retinere (cùm illud sibi habeat cum ingressu non canonico; & titulo compensandi injuriam il-latam alteri teneatur ipsum restituere) spoliatum tamen non posse beneficium repetere, vel etiam recipere, juramento prius non relaxato, vel per cessionem spoliatoris, qua indirecte tollitur etiam obligatio ex juramento contracta respe-ctu Dei; vel facta per Ecclesiam, que in tali casu consuevit relaxare juramen-tum, ut hac ratione iniquitas eorum, qui Viros Ecclesiasticos ad renuntian-dum compellunt, coërcetur; ita c. Si verò.

Not. præterea. 1. quamvis verum sit, in utroque jure, errorem, metum, & dolum sæpius æquiparari; & juramen-tum ex errore præstitum non obliget, ut tradit Suarez tom. 2. de Relig. l. 2. c. 11. & alii; non tamen sequi, etiam non obligare juramentum metu præstitum. Nam illa æquiparatio metu cum erro-re, vel dolo, non sit in omnibus (error enim, & dolus antecedens, cùm dant causam contractui bonæ fidei, tollunt consensum; non metus, ut ostendimus l. 4. tit. 1.) sed tantum quoad firmitatem contractus, vel dispositionis; non quoad obligationem.

Not.

2067. Not. 2. non omne juramentum, metu extortum, esse contra bonos mores naturales quoad observantiam in eo, qui juravit; cum quis etiam metu cogi posset adjurandum, quod hoc, vel illud praestare velit, esto non contineat matteriam etiam peccati venialis; quare juramentum metu extortum ex hoc c. non est invalidum, quoad obligationem, sed solum quoad effectum, ut scilicet evadat irrevocabile, ac infirmari nequeat; ita Sanchez l.4. matr. D. 20. n.5. Suarez cit. c. 11. & calii. Si autem dicas, in c. ad audientiam. 4. de his, quae vi. dicitur: non obstante juramento posse beneficium repeti ab eo, qui per metum juratus abjuravit beneficium; & c. 2. de eo, qui duxit. ubi dici videtur non solum matrimonium metu contractum non valere, sed nec juramentum vi extortum:

2068. Resp. quod affertur ex c. Ad audientiam, ad intentum nihil probare; nullatenus enim ex eo textu deducitur, juramentum extortum metu etiam gravissimo, non valere; sed tantum carere robore firmitatis. Concedo igitur Clericum illum gravissimo tandem metu Regis coactum adjuramentum, quod Ecclesiam, quam canonice obtinuit, & aliquamdiu pacifice possedit, resignabit; concedo pariter, quod non obstante juramento praedicto, potuerit eam licite repetere; sed unde sequitur: ergo illud juramentum metu extortum non valebat: Si dicas: si valuerit, non potuerit licite recipere; cuius contrarium habetur in textu: sed Resp. claram solutionem reddi ab Innocentio III, in dicto c. ad audientiam: ubi, postquam dixit, si constiterit de illa coactione, posse illum, & debere Ecclesiae restituiri, non obstante juramento praedicto; quo non tenebatur ad non repetendum beneficium, sed tantum ad resignandum; ex hoc enim clare constat, eum, qui juravit, renuntiare beneficio, facta renuntiatione potuisse repetere beneficium; nam ad hoc juramentum illud non porrigebatur. Ad id, quod dicitur ex c. 2. de eo, qui duxit, constabit ex dubitatione seq.

Tom. II.

### Dubium V.

*An juramentum, adjectum matrimonio, metu contracto, indiget relaxatione?*

2069. O Tto Andegavensis per alium capitum, tamdiu in vinculis ferreis, & carcere detenus ab eodem fuit, donec coactus iuraverit, quod Annam mulierem duceret in Uxorem; sed ubi vincula, & carcerem evasit, aliam Uxorem accepit, ex qua filios procreavit: Sed Anna Ottinem, coram Sedis Apostolicæ Legato, convenit; unde jussus est juratus promittere, quod ad secundam non accedet, lite pendente super matrimonio cum Anna contracto. Verum, Anna interim diem supremum oblitus; dubitatum igitur fuit, an Otto jam redire possit ad secundam, liberè ductam, non obstante, quod vivente primâ contraxerit prius cum secunda, eamque cognoverit? respondit Alexander III. si constiterit, quod eidem Ottoni tanta vis illata fuerit, quod non sponte in primam consenserit, nec possit præstitum juramentum ipsam carnaliter cognoverit, propter hoc non dimittendum, quin ad aliam, quam postea in Uxorem accepit, revertendi liberam habeat facultatem. Alioquin sibi ne ad secundam revertatur sub interminatione anathematis inhibendo, detur ei licentia ducendi aliam uxorem; sic c. significavit, 2. de eo, qui cognovit.

2070. Ex hoc textu in variis opiniones discesserunt Authores, quorum aliqui existimant, non tantum matrimonium, sed etiam iuramentum super eo, gravi & injusto metu extortum, esse validum; aliqui autem neutrum, de quibus V. Barbos. in dict. c. 2. Sed, quidquid sit de his, mihi dicendum videtur, in dato casu & matrimonium cum prima, & juramentum, fuisse nullum, non tamen ex eadem causa. Matrimonium; propter gravem metum, cadentem in constantem Virum eo fi-

Yyy

ne

ne injuste incussum; nam hoc etiam jure naturae irritum esse in tali casu, constat ex l. 4. à num. 434. *Juramentum*, non propter metum; sed ex eo, quod foret de re non possibili, seu de tali contractu, qui factus etiam jure naturali nullus, & irritus est; juramento enim non efficitur validum. Matrimonium metu contractum, per Sanchez l. 4. D. 20. n. 12. Unde tale juramentum adjectum matrimonio metu gravi extorto non obligat, nec indiget relaxatione, Covarr. de spons. p. 2. c. 3. §. 5. n. 3. Sanch. cit. D. 20. n. 15. Henr. l. 11. c. 9. numer. 6.

**2071.** Dices. 1. in casu nostro, Otto juravit, *ducere Annam, & eam ducere peccatum non erat; ergo etiam hac mortuā non poterat redire ad secundam, obstante juramento; confirmari potest ex c. inter cetera, 22. q. 4. ubi D. Augustinus ait: quod Hubaldus, qui captus, & timore necis impulsus, sue concubinæ juramento firmaverit, ipsam in conjugem suscipere, propriamque matrem cum fratribus de domo expellere, nihilque eis alimonie unquam impendere, cum, quam prius concubinam habuerat, non est peccatum in conjugem suscipere, matrimonium esse in Deo firmum, & stabile; Matrem autem & fratres foveat, & lugeat super facto juramento de hacre impia.* Resp. dist. ant. Otto juravit ducere Annam, & eam ducere peccatum non erat, & matrimonium *validè tunc contrahi non poterat; C. validè contrahi poterat, N. antecedens; quia matrimonium, gravi, & injusto metu directe incusso ad finem talis contractus, validè contrahi non poterat; hinc N. conseq. in casu autem c. inter cetera, non fuit matrimonium coactum metu *injusto*; consequenter juramentum impleti poterat, in quantum erat de Concubina in conjugem accipienda; quamvis, in quantum erat de Matre cum fratribus domo expellenda, fuerit de re illata.*

**2072.** Dices. 2. qui violat juramentum, metu extortum, non punitur tanquam Reus culpæ mortaliter, ut dicitur

c. *Venient. 15. b. t. ibi: non ob hoc sunt pro mortali culpa puniendi; igitur juramentum metu extortum non valet, consequenter relaxatione non indiget; alias enim illi, de quibus in dict. c. 15. peccassent mortaliter, non implendo, quod jurarunt.* Resp. dato anteced. N. conseq. ad prob. Resp. aliud esse, non peccari mortaliter, violando juramentum; aliud, non puniri pœna culpæ mortaliter; primum non dicitur in textu; sed secundum: ex hoc autem non infertur, id fieri non potuisse, nisi juramentum metu extortum ponatur invalidum; nam, esto juramentum valeat, & non implendo peccetur graviter; non tamen debet haec violatio juramenti, metu extorti, tam severè puniri, ac violatio juramenti sponte facti; iniquitia quippe, ac injuria, juranti per metum facta, meretur mitigationem pœnae pro transgressione obligationis coacte impositæ.

### Dubium VI.

*An relaxatione indigeat juramentum Monachi, standi apud Creditorem loco Vadis, pro debitis Monasterii?*

**U**T hoc, & similia dubia resolvantur, communis regula est: ejusmodi juramenta non esse relaxationis indiga, cum non valent, nec obligationem naturalem, seu conscientie pariunt. Nam, ubi non est vinculum, solutione opus non est; & sola declaratio nullitatis, non est propriæ solutio vinculi [quomodo enim auferet, quod non est?] & solum dicitur *solutio cum addito, nimirum declarative, non liberativæ.* Porro pro praesenti questione servit c. *Ex rescripto. 9. b. t. ubi est iste casus: Abbas Tremensis cum Creditore suo super certa summa aliquot millium solidorum convenit; & insuper eidem quosdam Monachos Obsides dedit, qui de observanda conventione juramentum prestat, ut, si ipsi deficerent, alii monachi loco eorum in obstagio reverterentur: insuper, si dicti monachi fidem non servarent, Abbas dedit eidem, & uxori*

& uxori ejus fidejussores, qui similiter fidem præstisſe dicuntur.

2074. In hoc casu dubitatum fuit, an teneret Monachorum iuramentum? nam in libero homine nec pignus, nec possessio datur, *L. inter. 83. §. Sacram;* *L. Liber homo, ff. de V. O. & alibi;* & quamvis *se ipsum homo liber possit vendere;* *L. & servorum;* *L. homo liber. ff. de statu homin.* &c. ac se ipsum in pignus dare, *L. 3. §. si quis volentem, ff. de libero homine: ab alio tamen pignori subjici non potest,* *L. ult. §. ult. ff. de lib. homine:* accedit, quod remanere apud Creditorem, præsertim Laium, professioni Monachorum videatur repugnare: nihilominus Alexander III. Judicibus delegatis rescripsit: si ita est [nimirum, ut habet casus num. præced. propositus] tam Abbatem, & Monachos, qui juraverint, quam Creditorem, & uxorem ipsius studiose monere curetis, ut sicut juraverint, eandem conventionem faciant adimpleri. Siverò ad admonitionem vestram facere neglexerint, eidem Abbat, & monachis ingressum Ecclesiæ interdicatis, & in terra præfati Creditoris, & uxorij ejus, usque ad dignam satisfactionem inhibeatis divina officia celebrari. Valebat igitur in præsenti casu juramentum Monachorum, & reliquorum; nec egebat relaxatione; sed inferebat necessitatem adimplendi jurata.

2075. Pro solut. contrariorum, hot. ex Gonzalez in c. Ex rescripto. 9. b. t. n. 3. Obsides tribus modis dari posse; pri-mò authoritate publicâ in causa belli justi, & legitimi, quo casu solent propace, aut securitate treugæ obsides dari ex una, vel utraque parte, ut fides hinc inde promissa servetur. Isti obsides, velut servituti subjecti videntur, adeo ut testamentum sine Principi licentia permisum eis non sit, *L. obsides. 11. ff. de testament.* Quod, si pacta seu foedera non servet parsea, quæ obsides dedit, ii bonis spoliari, sed non interfici possunt, si innocentes sint.

Tom. II.

aut talēm pœnam non merentur, iti doceat Molin. tract. 3. D. 120. num. 7. & D. 550. num. 5.

Altero modo dantur obsides ab una 2076. Communitate alteri, vel ab aliquo Domino alii, professa discordia inter eos orta; quod obstagium minus proprium est, nec per illud status hominis liberi mutatur; quia id tantum supremus Princeps facere potest, de quibus obsidibus agitur in c. exposita, *de Arbitr. c. Suppliciter. 18. 23. q. 8.* tertio dantur obsides à privato pro civili debito, & in hos ius aliquod reale, videlicet, pignoris, auf quasi servitutis, non acquiritur creditori, *L. ob es. 12. C. de actionibus.* *L. qui filios. 6. C. que respi-gnori;* quamvis hoc postremum habeat aliquot exceptiones, ex quibus est casus gravissimæ necessitatis, v. g. famis; quo casu Pater filium pignori dare potest *L. 2. C. de Patribus, qui filios distra-xerunt;* aut perturba in Monasterio aliter non relevabili, nisi Abbas Monachum pignori det, ut extra claustrum, dum solvatur debitum, detineatur, ut tradit Felinus in cit. c. Ex rescripto. 9. b. t. n. 4. quamvis alias in quæstione, num obses pro civili debito datus, in loco, in quo sifistitur, permanere obligatus sit? communiter respondeatur negative; sic Innocent. hic, Abbas n. 8. Imol. n. 6. Fe-lin. n. 7. & 8. Covarr. 2. resol. c. i. m. i. in fine, præterquam si juramentum accesserit; hæc enim species vadimoniæ est quædam species servitutis, quasi perpetuae; cum sèpe contingat longissimo tempo-re non solvi debitum; quibus positiis:

Resp. tametsi non desint, qui hanc pæ-tionem, seu obsidum deditio[n]em doceant, non valere, ut latè probant Covarr. l. 2. Variar. c. i. m. i. Decianus l. 7. tract. cri-minal. c. 18. n. 9. & alii; videntur tamen exponendi, extra casum iuramenti, & valde gravis necessitatis; cum tale juramentum ex parte objecti non involvat aliquam turpitudinem, nec etiam ex parte jurantis modum illicitum in talibus circumstantiis; ita Gonzalez in dictum c. Ex rescripto, n. 3.

Vyy 2

DU-

## Dubium VII.

**Quo juramento teneatur Clericus, ju-**  
**rans Patrono, augere antiquam pensionem, & In-**  
**sistenti, non augere?**

2078. **H**unc casum Episcopus Norvicensis proposuit Lucio III. Præsentati enim Clerici debebant jurare Patronis, quod majorem ipsis, quam antea consuetum erat, pensionem solvere vellet; postea vero, cum ab Episcopo iterum instituebantur, iterum jurare debebant, quod antiquam & solitam pensionem patronis præstandam augere nolint. Unde, cum dubitaretur, cui standum sit juramento? respondit Pontifex: quod, cum posterius juramentum, quod ratione, & Lateranensis Concilii auctoritate nititur, præjudicet alteri juramento priori, quippe, quod de cupiditate processit, ideo posterius sit servandum; justum autem esse, ut Clerici ob perjurium, quod violare non possunt, ab Ecclesiis removeantur; sic habetur c. Tua nos s. b. t.

2079. Ratio dubitandi esse poterat, quia primum juramentum ex una parte videbatur validum, quod Patronus, qui Ecclesiam fundat, ædificat, aut dotat, pensionem annuam sibi ex ea solvendam cum Episcopi consensu reservare possit, c. *Præterea, 23. de Jure Patronatus*; consequenter juramentum posterius non valuisse, utpote factum contra prius juramentum, quod ponitur obligare; ex altera vero parte primum juramentum videbatur non tenere; nam Patronus extra casum, quo sibi de consensu Episcopi in fundatione Ecclesiae aliquid reservavit, nihil exigere potest ab Ecclesia, nec pensionem augere, c. *Prohibemus, 7. de cen-*  
*sib.* adeo, ut, tametsi Clericus beneficiarius juret, se pensionem majorem soluturum, pro irrito habendum sit juramentum, quippe factum in detrimentum Ecclesiae, & contra generalis Concilii prohibitionem, c. *Prohi-*

*bemus, c. gravis, 13. junct. gloss. V. ab-*  
*solvit, eod.* Et quoniam, si promissio  
*augende pensionis* facta sit Patrono ante præsentationem, & cum ordine & pacto expresso, aut tacito præsentationis consequendæ, Simonia committitur, & ideo ipso jure irrita est promissio, seu institutio præsentati, c. *Cum Clerici, 6. de pacis*, & notat Abbas hic, num. 3. etiam hoc titulo nullum erat juramentum primum; adeoque merito constitutum, ut staretur secundo.

Difficultas tamen nascitur ex ipso 2080.  
 textu, quod ibi dicatur: *justum esse, ut Clerici pro perjurio, quod vitare non possunt, ab Ecclesiis excludantur;* perjurium enim tunc propriè & verè committitur, ubi juramentum alias validum infringitur; unde videtur concludi, utrumque juramentum in dato casu valuisse; *primum*, quod alias non diceretur *perjurus*, nec depositione puniretur; *secundum*; quia alias non juberetur servandum. Alii econtra cum Covarr. in c. *quamvis. p. i. §. 6. numer. 9.* arbitrantur in rei veritate neutrum juramentum esse licitum, neque ex eo jurantes suis privari beneficiis, quod alterum ex illis à parte rei fit temerarium; sed solum ex eo, quia quoad vulgi opinionem, duo hæc contraria præstans juramenta, constituit se in perjurio *putativo*; cum duo contraria fuerit pollicitus, in quibus terminis falsæ vulgi opinioni defertur, in quam rem expendere videntur verbaliujus textus, ibi: *quod vitare non possunt, & ibi: primo præjudicat, quod de cupiditate processit*, si verba hæc referantur ad Patronos, qui ex cupiditate redditum exigunt juramentum, non vero ad ipsos jurantes.

Duplex difficultatis solutio dari potest. 1. quod juramentum primum non valuerit quidem, quatenus est in præjudicium Ecclesiæ; secùs, quatenus est in suum Clerici præjudicium; & hoc titulo subjectum necessitatì relaxationis; consequenter cum ante hanc in-

indeptam in institutione deinde promiserit cum juramento contrarium, fuisse perjurum; sic Barbos. in c. *Tug*  
nos, b. t. num. 2. Altera est, quam tradit Layman in dict. c. n. 2. dicens, ab illo Clerico non fuisse commissum perjurium contra juramentum promissorum; nam hujus periurii malitia in eo consistit, quod jurans promissionem itratam implere negligat, id vero locum non habet, si juramentum obligatorium non sit, sive impleri non possit, aut saltem non debeat: sed censeri commisso periurium contra juramentum assertorium, cuius malitia in hoc consistit, quod quis mendacium, aut falsam assertionem suam iuramento sciens confirmet. Nam in casu, quo quis semel jurat, se daturum; & rursum, se non daturum, presumitur vel in hoc, vel in illo mendacium dixisse, consequenter falsum juramento firmare voluisse, quod utique periurium est; quod pariter depositione dignum est, c. Presbyter. 12. dist. 81. & c. ult. 22, q. 1.

## §. 4.

De reliquis iuramentis licitis, vel  
illicitis.

2082.

Quæstio. 1. est, an, qui juravit rem, ex parte sua licitam, non tamen ex parte recipientis, licite agat ad relaxationem iuramenti? Resp. quod sic, ex c. 1. b. t. ibi: *Creditores ad iuramenta super usuris sibi solvendis prestita relaxanda per Ecclesiasticas censuras cogatis*, quando autem in c. cum quidam, 12. b. t. dicitur, eos, qui jurarunt illicita, *absolvendos esse ab illius observantia iuramenti*, debet intelligi de absolutione declarante nullitatem vinculi; non liberante, vel tollente; nam tale iuramentum nullam parit obligacionem, seu naturale vinculum conscientiae praestandi iurata.

2083.

Quæstio altera est, an valeat iuramentum Monachi, quod in claustru sui Monasterii, cui se vinculo profes-

sionis adstrinxit, ulterius cum Gerardo Monacho manere non velit? quæstio haec proposita fuit Urbano III. de quodam Monasterii Priore, qui tale juramentum emisit; respondit autem Pontifex: quod non licuit Monacho superdicto temerarium juramentum facere; maxime, cum fidem professionis frangeret, & stabilitatis sue propositum evanesceret? ideoque circa eum tua, inquit, solicitude provideat, quod talis ei pœnitentia injungatur, ut alias quilibet exemplo ejus deterritus, simile aliquid facere pertimescat: ipse vero in claustro, quod licite abjurare non potuit, cum stabilitate perpetua, suam pœnitentiam exequatur; c. sicut ex literis, 13. b. t. videtur tamen intelligentia de casu discessus à Monasterio via non licitâ, secus, cum dependentia à consensu legitimi ad hoc Superioris.

2084.

Quæstio est 3. an heredes Vasalli Ecclesiae, v. g. qui *Romanæ Sedi* feudarius est, postquam uni Pontifici homagium, seu juramentum fidelitatis praestiterunt, Successoribus ejus iterum jurare debeant? hanc quæstionem Cardinales aliqui deciderunt, quam & Clemens III. approbat, quod satis sit, si unius Pontifici homagium semel praestiterint; Successoribus vero fidelitatem perinde, acsi etiam ipsis jurassent, servandam esse, c. Veritatis. 14. b. t. ubi not. homagium, seu juramentum fidelitatis factum *Romanæ Sedi*, vel dignitati, esse reale, seu transitorium ad Successores in dignitate, respectu cuius est; quamvis ex parte jurantis sit tantum personale; ratio primi est, quia dignitas, & officium cum persona non extinguitur, sed ad successores transit, c. si gratio se, 5. de rescript. in 6. consequenter, si is, cui ratione officii sui juramentum præstitum fuit, resignet, aut deponatur ab officio, jurans respectuilius obligacione liberatur: sicuti hoc ipsum in Voto obedientiae cernere est, quod Prælato fit, ut eo deposito obligatio voventis cesseret in illius persona, & ad successoris personam transeat; arg. c. Venerabilem, 34. de elect. ratio secundi est, quia jura-

Yyy 3

men-

mentum, quoad vim obligandi *in vim religionis*, ex parte jurantis non egreditur eius personam.

**2085.** Quæstio 4. est, an, & qualiter obliget juramentum parendi mandato alterius? Resp. de hoc agi c. *Veniens*. 16. b.t. Cùm enim Antonius quidam verbis contendisset cum Mauritio, & pluribus vicissim illatis convitiis exinde gravis inimicitia orta esset, quidam se pacis constituendæ causâ interponentes fugesserunt Antonio, ut pro satisfactione, Venetorum Civium quorundam mandato *se obediturum juraret*, quod ipse fecit ex confidentia, seu bona fiducia, ratus non se aliquid commisisse, ob quod grave quidpiam imponendum sibi esset: sed Cives illi præceperunt Antonio, *ut Ducus Veneti Curiam nunquam intraret, nisi, cùm omnes per generale edictum ad curiam vocarentur*. Verùm Antonius, qui *Ducus consiliarius* erat, & multarum Ecclesiarum Advocatus, quibus ipse in judicio patrocinium præstare obligabatur, tale juramentum nunquam edidisset, si ejusmodi mandatum suæ obligationi contrarium suspicatus esset: Innocentius III. igitur re intellectâ, mandavit Patriarchæ Grandensi, si posterius istud iuramentum, priori lícite edito, cognòrit esse contrarium, ut Apostolicâ auctoritate declareret, *non servandum esse*. Ex hoc colligitur, juramentum lictum parendi mandatis alterius, non porrigi ad illicita; vel alteri præjudiciosa, vel non cogitata; sic Flaminius *de Resignat. benefic.* l. 1. q. 13. n. 46. Unde etiam vota, & iuramenta subditorum non possunt iuri Superioris derogare, ut Superior iustâ existente causâ non possit illis derogare; ita Sanchez l. 8. matr. D. 17. à n. 3.

**2086.** Quæstio est. 5. an Advocatus v. g. sit periurus, qui iuramento promisit, Ecclesiam, vel personam defendere, & occurrente casu recusat, etiamsi ad Superiorum appellat? Resp. ex c. *Brevi*. 17. b.t. ubi Pontifex expressè docet, quod in hoc articulo appellantem à periuro talis appellatio non excusat, imò (nisi difficultas existat, propter quam requisitus non possit Ecclesiæ subvenire) culpa

perjurii potius irretiatur. Verùm, hæc intelligenda sunt [ut insinuatur in textu] *nisi justa causa excusat*, quæ affectat moralem necessitatem, hic, & nunc intermittendi defensionem; vel aliquem æquè idoneum, & paratum substituat, ut notat Layman in dict. c. *Brevi*, n. 5. quod intellige, si revera gravis causa urgeat pro tali casu non exhibendi operam personalem; cui non videtur sufficere respectus personæ, contra quam in tali causa procedendum foret; cùm hoc non possit ei esse inco-  
gitatum.

**2087.** Quæstio est. 6. an scienter jurans illatum, indigeat absolutione à vinculo juramenti? an, si ignoranter? an si juravit, quod est licitum, sed putans illicitum? huic quæstioni occasionem dedit casus cum Rege Aragoniæ, qui, [ut habetur in c. *quant. 18. b.t.*] à Consiliariis suis [quin potius Seductoribus, ut ait textus] inductus fuit, ut juraret irrequisito assensu populi, usque ad certum tempus patris sui conservare monetâ, quæ tamen circa mortem ipsius fuerat legitimo pondere defraudata. Quoniam autem eadem moneta est adeo diminuta, & minoris valoris effecta, quod grave propter hoc in populo scandalum generatur: Rex, quodegerat indiscretè, discretè cupiens revocare, ac necessitatì populi satisfacere, ab observatione juramenti prædicti, ex quo sibi, & regno suo metuebat grave periculum immihere, suppliciter à Romano Pontifice postulavit absolvı.

Ad hanc Regis supplicationem rescripsit Innocentius III. quod super hoc diligens indagator, veritate compertâ potuisset facile intueri, quod non tam erat absolutio necessaria, quam interpretatio requirenda: quoniam, cùm juramentum fecisti, monetam aut falsam, aut legitimam esse credebas: *si falsam* [quod de Regis Serenitate non credimus] juramentum fuisset illicitum, & nullatenus observandum,

dum, & pro eo tibi esset pœnitentia injungenda; cùm iuramentum, ut esset iniquitatis vinculum, non fuerit institutum. Si verò ipsam legitimam esse credebas, juramentum licitum fuit, & usquequa servandum. Et, ut irreprehensibiliter observetur, consilimus, & inandamus, ut reprobata monetā, quæ à legitimo pondere fuerat diminuta, alia sub nomine Patris tui moneta cudatur, quam ad legitimū pondus reducas, secundū statum, quem tempore Patris tui habuit meliorem: ita, quod & antiqua moneta, quæ ab illo statu falsata non fuerat, cùm ea pariter expendatur: per quod & dispendium vitari poterit, & juramentum servari. Veruntamen, si forte monetam ipsam, in præstatione juramenti credebas à legitimo pondere diminutam, & tua super hoc conscientia te remordet, venerabili fratri nostro Episcopo Cæsa-raugust: cui super hoc scribimus, tuum humiliter confitere reatum, & satisfactionem, quam indixerit tibi pro illicito juramento, devote suscipias, & studeas adimplere.

4088. Ex hoc textu communiter deducunt DD. ut etiam legitur in rubrica hujus c. iuramentum *scienter* factum de re illicita, non egere absolutione, cùm non inducat ullam conscientiæ obligationem; si autem ignoranter, seu cum ignorantia illiciti, servandum esse, si, quod promissum est, modo licito servari potest: si denique licitum est, quod juratum, esto crederetur à jurante illicitum, puniendum esse pravum jurantis animum; iuramentum tamen tenere, nec iurantem ab obligatione, ubi cognoverit, non esse illicitum, esse immunem. Gonzalez tamen, apud quem habetur integer textus hujus c. n. 5. censet, ex hac Innocentii epistola rectius deduci hanc singularem assertionem: *si moneta legitimo pondere, & integritate non constat, mutari à Principe deberet, nec contrarium juramento obstringi;* hoc ta-

men videtur intelligendum, si Princeps à suis Consiliariis deceptus putavit monetam esse rectam, & sub hoc deprehendit, esse diminutam; nam *servare monetam à justo pondere defraudatam*, illicitum est, ubi propter hoc grave scandalum in populo generatur; igitur, cùm hoc mutare possit, vel cùdendo aliā justi pondēris, velaugendo valorem, cùm sic iuramentum de non mutanda moneta servari possit, videtur ad hoc obstringi.

Difficultas tamen esse potest, an ex 2089: vi iuramenti teneatur ad illam mutationem vel per cusuram novæ, vel per valorem extrinsecum veteris? an ex alio titulo, quo tenetur caverē scandalum in populo? Videtur enim, quod non *ex vi iuramenti*. 1. quia neutrum juravit; & quod juravit licite, putans materiam juratam esse licitam, deprehendit illicitam, ad quam non datur obligatio. 2. jurans licitum, putans illicitum, tenetur ex vi iuramenti ad iuratum, ubi deprehendit licitum, ut dicitur in textu; ergo per oppositum, jurans illicitum, putans licitum, non tenetur ex vi iuramenti, postquam deprehendit juratum esse illicitum. Non videtur autem dubium, damna secuta populo, & reliquis ex hoc decepti Principis iuramento per ignorantiam mali edito, à talibus Consiliariis esse laesis omnibus resarcienda; cùm ipsi unicè eorum causa iniusta sint pravo suo consilio: textus tamen videtur stare pro obligatione vi iuramenti.

Præter dicta not. i. iuramentum, in præiudicium Superioris editum, non valere; sed interpretandum esse secundū terminos iuris; prima pars habetur ex c. *Venientes*. 19. b. t. ubi cùm Consules Tudertini, in aggressu officii iurarent, in iudiciis servare loci consuetudinem (nimirum latas sententias super mutuis, & fideiussionibus exequendi intra 24. dies) quod tamen repugnat iuri concedenti gravatis per sententiam appellandi facultatem; Pontifex reprobavit hoc iuramentum,

2090:

in

in quantum iuri Superioris præiudicium, rationem reddens: quia etiam alii Judices jurare coguntur, quod secundum leges indicabunt, & tamen hoc non obstante justas appellationes admittere debent; ideo mandavit Consulibus civitatis, ut in posterum appellationibus interpositis deferant, cum in iuramento ipsorum, *jus Superiorum* exceptum intelligatur: secunda pars ex eo probatur, quia iuramentum obligationem iuris, super quod fertur, non extendit, sed tantum intendit sive auget intensive, non extensivè; non extensivè; prout colligitur ex hoc c. & ibid. tradit Imola, n. 2. & alii. Et ideo etiam in c. *ad nostram*, 21. eod. dicitur, quod generale iuramentum intelligi debeat cum clausula: *si fieri potest, ut non obviat juri;* secus vero tanquam temerarium, contra juris observantiam, non obligare.

2091. Not. 2. quamvis dixerimus n. 2043. eum, qui juravit solvere usuras, & solutas nec per se, nec per alium, apud ullum Judicem, repetere; teneri quidem ex vi iuramenti, propter obligationem *Deo exinde natam*, ad eas saltem momentaneè solvendas; hoc tamen debere accipi, ut non procedat, si alia causalegitima, eas repetendo solutas, nihil ageret contra prius iuramentum; constat ex c. *ad nostram*, 20. b.t. Cum enim Joannes, & Jacobus, Titio usuras persolvissent iuramento confirmantes, quod nec per se, nec per alium eas repetere vellent, nec super hoc apud ullum Judicem agere; Titius autem in testamento hæredes obligasset, ut omnibus, à quibus usuræ solutæ fuissent, eas restituerent; Joannes & Jacobus, metu memorati iuramenti eas non repetierunt; nec hæredes solverunt. Cum autem Innocent. III. hoc intellexisset, scribens ad Archiepiscopum Pisanum, *mandamus, inquit, quatenus sub pena excommunicationis publicè in Ecclesia proponi facias, vel proponas, ut qui super hoc noverint veritatem, procedant ad testimonium proferendum;* & si per dicta

testium, velalia documenta tibi constituerit de præmissis; hæredes illius, usuras, quas à predictis Pater eorum accepit, restituant universas, ecclesiastica censura compellas. Ex quo textu deducitur, duplice de causa fuisse licitum in tali casu, non obstante juramento, repetere usuras. 1. quia *Titius*, hoc ipso, quod hæredes obligaverit, solutas restituere, *remisit iuramentum* quoad qualcunque jus, quo tenerentur non repetere, aut ipsum, vel hæredes ejus non molestare; 2. quia iuramentum illud non porrigitur ad casum, si alio titulo (v.g. voluntate, aut dispositione *Usurarii*) ipsis novum constitueretur jus repetendi; cum novo juri, & titulo non censeantur per illud iuramentum renuntiâsse; sed aliis, si quæ tunc erant.

Not. 3. iuramentum; quod *sine causa* 2092, *rationabili*, conjuges emiserunt, de nunquam utendo jure conjugii, irritum esse; ut dicitur c. *Tuanos*, 24. b.t. unde hoc titulo se separare non possunt; ac eum, qui antequam contraxit cum muliere, juravit eam ducere, sciens, eam fuisse fornicatam cum alio, vel deformem, non posse illi opponere priora; secus supervenientia, ex c. *Quemadmodum*, 25. eod. Ex quo textu deducitur, non esse contra iuratam promissionem futuri matrimonii, nolle promissionem adimplere, si unius è sponsis notabilis deformitas superveniat, aut status ejus notabiliter immutetur ante nuptias.

Not. 4. si mulier contentiens alienationi rerum dotalium, aut propter nuptias donatarum, factæ à marito, iuramento confirmet, quod ejusmodi alienationem impugnare nolit, sed postea soluto matrimonio nihilominus oppugnet alienationem; esto secundum leges civiles consensus in ejusmodi alienationem obligatorius non sit; tamen, ne per talem prætextum perjuriis via aperiatur: mulieribus servandum esse ejusmodi iuramentum, si absque vi, & dolo sponte præstitum sit, & in alterius præjudicium non redunderet; neque ob-

fer-

servatum vergat in dispendium salutis æternæ; sic Innocentius III. in c. cum contingat. 28. b. t. & quamvis Layman in dict. c. n. 5. censeat, quod, si mulier in alienationem rei dotalis, vel propter nuptias donatae, cum juramento consentiat, renuntians privilegiis suis efficaciter, etiam ex iustitia virtute obligationem contrahat; volens, pactum, sive contractum, qui lege ipsi resistente ob privatum commodum irritus est, per accessionem iuramenti confirmari, ita, ut etiam in externo foro actio tribuatur: contrarium tamen probabilis teneri, constat ex dict. l. 1. tit. 35. & l. 3. tit. 13.

*in sua, nec in alterius causa iurator existat, accipendum est de iuramento, quod ad honorem, vel favorem jurantis spectat, ut est juramentum purgationis, vel probationis supplenda, vel etiam testimonii ferendi: at vero ea iuramenta, quæ potius oneri sunt, quam honori, uti est juramentum calumniæ, & fidelitatis, quod præstatur domino in causa feudi, &c. etiam perjuri, & alii infames præstare debent; ut docet gloss. in cit. c. Parvuli, V. causa. Sanchez. l. 3. cit. c. 3. numer. 5.*

### ARTICULUS III.

*Quibus licet jurare in iudicio?*

2094. **Q**uamvis omnes homines, qui habent usum rationis, ex natura rei possint emittere juramentum in iudicio; aliqui tamen ob hoc repelluntur, inter quos sunt *periuri*, ut habetur in c. Parvuli. 22. q. 5. ibi: *qui semel periuratus fuerit, nec testis sit post hoc, nec ad Sacramentum accedat, nec in suo, vel alterius iurator existat.* Quamvis autem hunc textum plures accipiunt solum de illo, qui in iudicio de perjurio *convictus*, & *condemnatus* est, ut volunt Sotus de *iust.* l. 2. q. 1. a. 10. & alii cum Barbos. in dict. c. Parvuli. n. 2. & Sanchez l. 3. in Decalog. c. 3. num. 5. videtur tamen valde probabiliter idem ex hoc textu dicendum de omnibus perjuris notoriis notorietate facti, quamvis in iudicio non convictis, si iuramentum id notorum fuerit quantum ad verba, deliberationem, & factum; quia nimis eiudem est evidenter facti illum dixisse verba iuris iurandi, & bene deliberasse, & cognovisse, se jurasse falsum; ita docent Valent. 2. 2. D. 6. q. 7. punct. 3. colum. 4. verf. disputat verò, Azor, iustit. moral. p. 1. l. 11. c. 11. qu. 6. Quando autem in textu dicitur: *nec*

Dubitari etiam potest *de pueris*, an admitti iure possint ad edendum in iudicio juramentum? Resp. in dict. c. Parvuli. 22. q. 5. haber. parvulos, qui sine rationabili etate sunt, non debere cogi iurare; & c. pueri, 15. ibid. pueros ante annos quatuordecim non cogendos iurare; ubi nota, 1. dici, non esse cogendos; non autem, prohibitos. Unde Suarez l. 1. de iuram. v. 14. n. 5. putat, pueros ante pubertatem, si jurare vellint in iudicio, non esse prohibendos, modo aliunde constet, illos esse sufficienter capaces iuramenti; nam, quod non cogantur iurare, favor est, non pena: rectis tamen non admittuntur regulariter, quando eorum iuramentum recipiendum foret cum partis adversæ gravi præjudicio, seu in causa gravi; idque propter imbecillitatem etatis, & maturi iudicii, cum periculo facilis flexionis in obliquum potentia promissis, commodo, & inclinatione in partem, pro qua iurant.

De Presbyteris extat textus in 2. q. 2096:  
4. c. si quis. 4. ubi dicitur: si quis Presbyter contra Laicum, vel Laicus contra Presbyterum aliquam habet querimoniam controversiam, Episcopo præcipiente personarum acceptione finiatur, & Laicus per iuramentum (si necesse sit) se expurget: Presbyter vero vice iuramenti, per Sanctam consecrationem interrogetur, quia Sacerdotes ex levi causa iuraren non debent. Manus enim, per quam

Zzz